




KEMENTERIAN KESIHATAN MALAYSIA

**KENYATAAN MEDIA
KEMENTERIAN KESIHATAN MALAYSIA**

**SITUASI SEMASA JANGKITAN PENYAKIT CORONAVIRUS
2019 (COVID-19) DI MALAYSIA
MINGGU EPIDEMIOLOGI KE-3
(15 JANUARI 2023 – 21 JANUARI 2023)**

STATUS TERKINI PENGGUNAAN FASILITI KESIHATAN


Kementerian Kesihatan Malaysia (KKM) ingin memaklumkan bahawa secara keseluruhan, jumlah kemasukan pesakit COVID-19 ke fasiliti kesihatan bagi setiap 100,000 penduduk **menurun** sebanyak **8.6 peratus** pada Minggu Epidemiologi ke-3 tahun 2023 (ME 3/2023) berbanding ME 2/2023 (**Rajah 1**);



Rajah 1: Jumlah kemasukan pesakit COVID-19 ke fasiliti kesihatan bagi setiap 100,000 penduduk dari ME 4/2022 sehingga ME 3/2023

Jumlah kemasukan pesakit COVID-19 ke hospital awam bagi setiap 100,000 populasi pada ME 3/2023 berbanding ME 2/2023 adalah seperti berikut (**Rajah 2**);


- Pesakit kategori 1 dan 2 **menurun** sebanyak **28.6 peratus**; manakala
- Pesakit kategori 3, 4, dan 5, **menurun** sebanyak **28.6 peratus**.



Rajah 2: Taburan jumlah kemasukan pesakit COVID-19 mengikut kategori ke hospital awam mengikut kategori bagi setiap 100,000 penduduk dari ME 4/2022 hingga ME 3/2023


Peratus pengisian katil fasiliti COVID-19 pada ME 3/2023 berbanding ME 2/2023 (**Rajah 3**) adalah seperti berikut:

- Katil bukan kritikal **menurun** sebanyak **2.0 peratus**; dan
- Katil Unit Rawatan Rapi (ICU) **menurun** sebanyak **2.0 peratus**.



Rajah 3: Peratusan pengisian katil fasiliti COVID-19 dari ME 4/2022 hingga ME 3/2023

Peratusan pesakit COVID-19 memerlukan alat bantuan pernafasan (ABP) meningkat sebanyak **0.1 peratus (Rajah 4)** pada ME 3/2023 berbanding ME 2/2023.




Rajah 4: Peratus pesakit COVID-19 memerlukan alat bantuan pernafasan dari ME 4/2022 hingga ME 3/2023

PEMANTAUAN COVID-19 DI PUSAT PENILAIAN COVID-19 (CAC)

Untuk makluman, kes-kes positif COVID-19 yang dipantau oleh Pusat Penilaian COVID-19 (CAC) di seluruh negara telah menunjukkan penurunan.

Berikut adalah perbandingan data CAC fizikal yang dilaporkan pada ME 3/2023 berbanding ME 2/2023 (**Rajah 5**):

- Bilangan kedatangan pesakit ke CAC **menurun** sebanyak **3.3 peratus**;
- Bilangan kes COVID-19 baharu yang menjalani pemantauan di rumah **menurun** sebanyak **19.2 peratus**; dan
- Bilangan kes COVID-19 yang dirujuk CAC ke hospital juga **menurun** sebanyak **48.0 peratus** jika dibandingkan dengan minggu sebelumnya.



Rajah 5: Trend kedatangan pesakit ke CAC fizikal, kes baharu COVID-19 menjalani pemantauan di rumah dan kes rujukan CAC ke hospital dari ME 42/2022 hingga ME 3/2023


STATUS TERKINI KES COVID-19

Dari 25 Januari 2020 (ME 4/2020) hingga 21 Januari 2023 (ME 3/2023), situasi terkini COVID-19 adalah seperti berikut:


- Kumulatif kes baharu: 5,034,521;
- Kumulatif kes sembuh: 4,987,642 kes;
- Kumulatif kes kematian: 36,932 kes; dan
- Kumulatif kluster: 7,169 kluster (kluster aktif: 5 kluster).

Perbandingan antara ME 2/2023 dan ME 3/2023:


- Bilangan kes sembuh pada ME 3/2023 **menurun** sebanyak **27.6 peratus** (3,288 kes kepada 2,379 kes) (**Rajah 6**);
- Bilangan kes baharu pada ME 3/2023 **menurun** sebanyak **17.3 peratus** (2,525 kes kepada 2,088 kes) (**Rajah 7**);
 - Bilangan kes tempatan **menurun** sebanyak **17.1 peratus** (2,497 kes kepada 2,071 kes); dan
 - Bilangan kes import **menurun** sebanyak **39.3 peratus** (28 kes kepada 17 kes).
- Bilangan kes kematian pada ME 3/2023 **menurun** sebanyak **29.4 peratus** (34 kes kepada 24 kes); dan
- Purata kes aktif setiap hari bagi ME 3/2023 **menurun** sebanyak **7.9 peratus** (10,901 kes kepada 10,042 kes) (**Rajah 8**).



Rajah 6: Taburan kes baharu, kes sembuh, dan kes kematian COVID-19 dari ME 4/2022 hingga ME 3/2023




Rajah 7: Taburan kes baharu, kes tempatan, dan kes import COVID-19 dari ME 4/2022 hingga ME 3/2023



Rajah 8: Purata 7 hari kes aktif harian COVID-19 dari ME 4/2022 hingga ME 3/2023

NILAI RT

Nilai R_T pada ME 3/2023 adalah **0.84** (Rajah 9).




Rajah 9: Purata Nilai R_T mingguan dari ME 4/2022 hingga ME 3/2023


SURVELAN INFLUENZA-LIKE ILLNESS (ILI) DAN SEVERE ACUTE RESPIRATORY INFECTION (SARI) BAGI COVID-19

KKM ingin memaklumkan bahawa sehingga ME 3/2023, hasil surveilan COVID-19 di lokasi sentinel seluruh negara mendapati:

- Sebanyak 17 sampel ILI dikesan positif COVID-19 dengan kadar positif **2.1 peratus** pada ME 3/2023 (**Rajah 10**); dan
- Sebanyak **5.9 peratus** SARI dikesan positif COVID-19 pada ME 3/2023 (**Rajah 11**).



Rajah 10: Kadar positif sampel ILI bagi COVID-19 dari Klinik Kesihatan sentinel sehingga ME 3/2023



Rajah 11: Kadar positif sampel SARI bagi COVID-19 dari hospital sentinel sehingga ME 3/2023

SARANAN KETIKA SAMBUTAN TAHUN BARU CINA

Kementerian Kesihatan Malaysia (KKM) ingin mengucapkan Selamat Tahun Baru Cina kepada semua rakyat Malaysia yang menyambut perayaan ini.

Walaupun keadaan COVID-19 di Malaysia masih terkawal dengan pelaporan kes yang rendah (kurang 500 kes sehari), sempena sambutan ini, KKM ingin menasihatkan orang ramai agar:

- i) Lakukan ujian pengesanan COVID-19 sekiranya bergejala seperti demam, batuk, sakit tekak, dan selesema;
- ii) Terus amalkan TRIIS dan menjalani isolasi sekiranya didapati positif COVID-19;
- iii) Elakkan berkumpul jika bergejala untuk melindungi kumpulan berisiko seperti warga emas;
- iv) Memakai pelitup muka apabila berada di tempat orang ramai, sesak dan sempit apabila melakukan aktiviti bersama kumpulan berisiko tinggi;
- v) Individu yang berisiko tinggi seperti mempunyai penyakit kronik, individu dengan imuniti rendah, dan ibu mengandung amat digalakkan untuk memakai pelitup muka semasa melakukan aktiviti dengan orang lain; dan
- vi) Segera mendaftar dan mendapatkan vaksin bagi individu yang belum menerima dos primer vaksin dan dos

penggalak vaksin COVID-19 untuk melindungi diri dan orang tersayang.

KKM juga ingin menasihatkan orang ramai yang menggunakan jalan raya untuk melancong atau pulang ke kampung halaman, sentiasa berhati-hati semasa memandu di jalan raya dengan mengikuti had kelajuan yang ditetapkan dan rancang perjalanan yang selamat. Semoga perayaan ini membawa keamanan, keharmonian, kemakmuran, serta perpaduan yang utuh kepada negara Malaysia yang berbilang kaum.

KKM akan terus memantau perkembangan kejadian jangkitan dari semasa ke semasa serta memastikan langkah pencegahan dan kawalan yang sewajarnya dilaksanakan secara berterusan.

Sekali lagi KKM ingin mengucapkan selamat menyambut Tahun Baru Cina Tahun 2023, rayakan dengan selamat di sisi keluarga tersayang.

NASIHAT KESIHATAN BERKAITAN COVID-19

Sejak 1 April 2022, Malaysia telah berada dalam Fasa Peralihan ke Endemik susulan keberkesanan tindakan pencegahan dan kawalan kesihatan awam. Peralihan fasa ini juga disebabkan oleh kejayaan program vaksinasi COVID-19 di seluruh negara.

Walaupun demikian, KKM ingin menasihati orang ramai agar terus mematuhi saranan serta nasihat-nasihat kesihatan yang sering ditekankan iaitu;

- **Elakkan 3S;**
- **Amalkan 3W;**
- **Amalkan TRIIS;**
- Jalani ujian COVID-19 sekiranya **bergejala;**
- Individu **positif COVID-19 Kategori 1 dan 2A** dan bukan **berisiko tinggi (berumur bawah 60 tahun dan tidak mempunyai komorbid)**, tidak perlu hadir ke **Pusat Penilaian COVID-19 (CAC)**, sebaliknya hanya perlu melakukan pemantauan sendiri melalui HAT dalam aplikasi MySejahtera. Aktifkan fungsi notifikasi aplikasi MySejahtera dalam telefon pintar masing-masing. Notifikasi melalui MySejahtera akan diterima sekiranya belum atau tidak menjalankan pemantauan sendiri setiap hari;
- Individu yang **layak mendapat rawatan Paxlovid** atau perlu hadir ke CAC terdekat (senarai penuh lokasi, nombor telefon dan waktu operasi boleh didapati di ([14](https://covid-</div><div data-bbox=)

19.moh.gov.my/hotline) untuk penilaian lanjut akan dimaklumkan melalui MySejahtera atau dihubungi CAC melalui panggilan telefon;

- Individu yang **positif COVID-19 Kategori 2A (yang berisiko tinggi) dan ke atas** atau mempunyai gejala yang semakin **teruk**, dikehendaki hadir ke CAC atau hospital terdekat bagi pemeriksaan lanjut tanpa menunggu panggilan telefon daripada CAC; dan
- Individu yang belum menerima dos penggalak vaksin COVID-19 dinasihatkan agar segera mendaftar dan mendapatkan vaksin bagi melindungi diri dan orang tersayang.

KKM akan terus memantau perkembangan kejadian jangkitan di dalam negara, dan juga luar negara melalui maklumat yang diperolehi daripada pihak WHO dan pihak berkuasa negara-negara serantau. Selain itu, KKM sentiasa memastikan agar langkah pencegahan dan kawalan yang sewajarnya dilaksanakan secara berterusan.

Sekian, terima kasih.

TAN SRI DATO' SERI DR. NOOR HISHAM ABDULLAH
KETUA PENGARAH KESIHATAN MALAYSIA

23 Januari 2023 @ 11.30 pagi